



BOSNA I HERCEGOVINA

БОСНА И ХЕРЦЕГОВИНА

Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KTO 0017737 19
Sarajevo, 08.05.2023.godine

Na osnovu člana 35. stav 2. tačka i), člana 226. stav 1. i člana 227. Zakona o krivičnom postupku Bosne i Hercegovine, p o d i ž e m:

OPTUŽNICU

PROTIV:

Jovice Savića, zvanog Talijan, [redacted] rođenog
1973. godine u Travniku, [redacted]
državljanina BiH,

Milorada Đerića, zvanog Đera, [redacted] rođenog
1982. godine u Ljuboviji, [redacted]
državljanina BiH,

Što su:

Dana 23.06.2019.godine, u ranim jutarnjim satima oko 01,00 sati, na teritoriji Bosne i Hercegovine, u namjeri sticanja protivpravne imovinske koristi, nakon što su sa njima poznatim licem dogovorili da prevezu ukupno dvadeset tri lica, koji su prokrijumčareni sa područja Republike Srbije u BiH, osumnjičeni se zajedno dovezli u neposrednu blizinu granice na području mjesta Bjelovac, općina

Tužilaštvo - Tužiteljstvo Bosne i Hercegovine, ul. Kraljice Jelene br. 88, Sarajevo;
Telefon: ++ 387 33 483 700; Fax ++ 387 33 707 463; e-mail: info@tuzilastvobih.gov.ba

Bratunac, sa vozilima: kombi marke fiat ducato, bijele boje, reg. oznake [REDACTED] u kojem su se nalazili osumnjičeni Jovica Savić i njemu poznato lice i vozilo marke mercedes, tamno plave boje, reg. oznake [REDACTED] u kojem je bio osumnjičeni Milorad Đerić, da bi po pristajanju čamca uz obalu BiH u kojem su se nalazili migranti prokrijumčareni iz Republike Srbije u BiH, osumnjičeni su istu grupu migranata natovarili u tovarni dio vozila marke kombi, bijele boje, reg. oznake [REDACTED] vlasništvo osumnjičenog Milorada Đerića, i to ukupno dvadeset tri krijumčarena lica među kojima su bili i [REDACTED], a koji su u namjeri da ilegalno otputuju u zemlje Zapadne Evrope dogovorili sa njima poznatim licem da im organizuje ilegalno putovanje, za određeni novčani iznos, i koji su prešli nezakonito državnu granicu između Republike Srbije i Bosne i Hercegovine, van graničnih mjesta otvorenih za međunarodni promet, uz pomoć nepoznate osobe krijumčara tako što su preveženi čamcem, što je protivno članu 7. stav 2. Zakona o graničnoj kontroli (Sl.glasnik BiH, broj: 53/09, 54/10 i 47/14), i koji nisu posjedovali važeća dokumenta, putnu ispravu i vizu ili odobrenje za boravak, odnosno lica koja ne ispunjavaju uslove za zakonit ulazak preko državne granice u BiH, i koja ne ispunjavaju uslove za zakonit boravak na području BiH, što je propisano članom 8. stav 1. Zakona o strancima (Sl. glasnik BiH, broj: 88/15), te osumnjičeni Jovica Savić i Milorad Đerić, iako im je bilo poznato da se radi o krijumčarenim licima, svjesni da prevoze krijumčarena lica u BiH i da time omogućavaju boravak tih lica na području BiH, a znajući da ne ispunjavaju uslove za zakoniti boravak na području BiH, protivno članu 6. Protokola protiv krijumčarenja migranata kopnenim, morskim i vazдушnim putem kojim se dopunjuje Konvencija UN protiv transnacionalnog i organizovanog kriminala (Sl. glasnik BiH, broj: 37/02), nakon što su iste ukrcali u kombi, osumnjičeni Jovica Savić se kretao u kombiju dok je osumnjičeni Milorad Đerić sa svojim vozilom mercedes, reg. oznake [REDACTED], vozio ispred kombija sa migrantima, kao čistač, pa su se kretali putem koji vodi od mjesta Bjelovac prema Bratuncu, a potom su na raskrsnici skrenuli prema naselju Sase, vozeći tako jedan za drugim na dovoljnoj međusobnoj udaljenosti da je osumnjičeni Milorad Đerić bio u ulozi prethodnice, „čistača" vozilu kombi u kojem su se nalazili osumnjičeni Jovica Savić i njemu poznata osoba, vozeći utovarene migrante, da bi bili otkriveni od strane pripadnika JGP Zvornik, istog dana oko 01,45 sati u mjestu Sase, općina Srebrenica i kada su policijski službenici pokušali da zaustave i kontrolišu navedena vozila i osumnjičene, osumnjičeni su u međusobnom dogovoru, oglušili se o izdate naredbe za zaustavljanje, gdje je osumnjičeni Milorad Đerić u namjeri da spriječi policijske službenike da zaustave kombi sa krijumčarenim licima, ispriječio svoje vozilo mercedes po cesti kako bi izazvao sudar sa vozilom policije, da bi patrola uspjela izbjeći vozilo mercedes i nastaviti dalje voziti za kombijem, nakon čega se kombi vozilo zaustavilo, i gdje se nepoznato lice udaljilo iz kombija, da bi potom osumnjičeni Jovica Savić pokušavajući da pobjegne sa lica mjesta, ostvario kontakt sa kombi vozilom u kojem su se nalazili migranti sa službenim policijskim vozilom, nakon čega je isti lišen slobode i u tovoranom dijelu kombija pronađena prevožena krijumčarena lica njih ukupno dvadeset tri, dok je osumnjičeni Milorad Đerić zaustavljen i kontrolisan od strane policije kako upravlja vozilom marke mercedes, reg. oznake [REDACTED], a nedaleko od mjesta zaustavljanja kombija.

Dakle, prevozili krijumčarena lica u Bosni i Hercegovini, omogućivši na taj način boravak krijumčarenim licima u BiH,

Čime su počinili krivično djelo Krijumčarenje ljudi iz člana 189. stav 2. KZ BiH, u vezi sa članom 29. istog Zakona.

T U Ž I L A C
TUŽILAŠTVA-TUŽITELJSTVA BiH

Tužilaštvo - Tužiteljstvo Bosne i Hercegovine, ul. Kraljice Jelene br. 88, Sarajevo;
Telefon: ++ 387 33 483 700; Fax ++ 387 33 707 463; e-mail: info@tuzilastvobih.gov.ba